



О‘ЗБЕКИСТОН ВУНУОДКОРИ

№ 19 (572) 2022 йил 15 март, сешанба

uzbunyodkor t.me/uzbunyodkor uzbunyodkori@mail.uz

Газета 2016 йил 2 августдан ҳафтанинг сешанба ва жума кунлари чиқади.

ИЖТИМОЙ-ИҚТИСОДИЙ ГАЗЕТА СТРОИТЕЛЬ УЗБЕКИСТАНА

ИҚТИСОДИЁТНИ РИВОЖЛАНТИРИШ БЎЙИЧА ҚЎШИМЧА ЧОРА-ТАДБИРЛАР БЕЛГИЛАНДИ

Президент Шавкат Мирзиёев раислигида 14 март куни иқтисодиётни барқарор ривожлантириш, давлат корхоналарини трансформация қилиш масалалари бўйича видеоселектор йиғилиши ўтказилди.

Маълумки, мамлакатимизда бозор иқтисодиётини ривожлантириш, рақобат муҳитини яхшилаш мақсадида давлат корхоналари трансформация қилинмоқда. Йиғилишда бу борадаги ишларни жадаллаштириш ва давлат активларини хусусийлаштириш масалалари муҳокама қилинди.

Жумладан, 25 та давлат корхонасида операцион самардорликни оширишда сусткашликка йўл қўйилгани кўрсатиб ўтилди. Ҳозирги замон талабига жавоб бермайдиган, зарар билан ишлаётган корхоналарни давлат томонидан қўллаб-қувватлаш амалиётидан бутунлай воз кечиш кераклигини айтилди.

Транспорт соҳасидаги ишлар ҳолати ҳам кўриб чиқилди. Транзит йўловчилар оқимини ошириш, чартер парвозларга рухсат бериш тизимини соддалаштириш, маҳаллий аэропортларни минтақавий транзит хабиға айлантириш чоралари белгиланди.

“Ўзбекистон ҳаво йўллари” миллий авиаконкомпанияси эркин рақобат шароитида ишлаш учун замонавий ёндашувларни жорий қилиши, авиачипталар нархининг ошишига йўл қўймаслик зарурлиги таъкидланди.

Шунингдек, йиғилишда иқтисодиётда жорий йилнинг биринчи чораги якунида қўйлаётган натижалар таҳлил қилинди. Янги корхоналарни фойдаланишга топшириб, иш ўринлари ташкил этиш, аҳоли даромадларини

ошириш ва ижтимоий қўллаб-қувватлаш масалаларига алоҳида эътибор қаратилди.

Ҳокимлар ва тармоқ раҳбарларига иқтисодий асосланмаган лойиҳаларнинг илгари сурилишига йўл қўймаслик бўйича кўрсатма берилди. Мутасадди идораларга ижтимоий-иқтисодий дастурлар ижроси устидан назоратни кучайтириш, инвестиция лойиҳаларининг бозор иқтисодиёти талабига жавоб беришини ўрганиш вазифаси қўйилди.

Экспорт масалалари муҳокама қилинар экан, ташқи бозордаги бугунги вазиятдан келиб чиқиб, транспорт ва логистика масалаларини ҳал этиш, экспорт географиясини кенгайтириш, маҳсулотларни янги бозорларга чиқариш бўйича топшириқлар берилди.

Вилоят ҳокимлари озиқ-овқат хавфсизлигини ва бозорларда нарх-наво барқарорлигини таъминлаш бўйича вазифалар ижроси тўғрисида ахборот берди.

Жумладан, Фарғона ва Сурхондарё вилоятларини ижтимоий-иқтисодий ривожлантириш масалалари муҳокама қилинди. Мазкур ҳудудларда саноат маҳсулотлари ишлаб чиқаришини кенгайтириш, янги экспорт йўналишларини очиб ва аҳоли бандлигини таъминлаш чора-тадбирлари юзасидан вилоят ҳокимларининг ҳисоботи эшитилди.

Ў.А.



2022 YIL INSON QADRINI ULUG'LASH VA FAOL MAHALLA YILI

“ИЖТИМОЙ ШАҲАРЧА”ДА 124 ТА ХОНАДОН ЎЗ ЭҒАЛАРИГА ТОПШИРИЛДИ

Довуд АБИДУЛЛАЕВ, Ў.А. мухбири.

Хўжайли туманидаги “Саришунгил” овул фуқаролар йиғинида “Ижтимоий шаҳарча”нинг янги биноси фойдаланишга топширилди.

Тадбирда Қорақалпоғистон Республикаси Жўқорги Кенгеси Раиси М. Камалов иштирок этиб, йиғилганларни янгиликни ва яшарли аёйми – Наврўз байрами ҳамда “Ижтимоий шаҳарча”-

нинг фойдаланишга топширилиши билан табриклади.

Таъкидланганидек, сўнгги йилларда давлатимиз раҳбари ташаббуси билан кам таъминланган, эҳтиёжманд оилалар, шу жумладан, уй-жойга муҳтож фуқароларни ҳар томонлама қўллаб-қувватлаш борасида кенг қўллаш ишлар амалга оширилмоқда. Инсон қадрини улуг'лаш, уларни маънавий қўллаб-қувватлаш, шу орқали камбағалликдан чиқариш йўлидаги ишлар бунинг яққол исботидир.

“Саришунгил” овул фуқаролар йиғи-

ни ҳудудидаги аввалги “Мурувват” ногиронлиги бўлган шахслар учун аёллар интернат уйи биноси оғир ижтимоий вазиятга тушиб қолган, ишсиз, уй-жойга муҳтож оилаларни уй-жой билан таъминлаш, уларни даромадли қилиш ва камбағалликдан чиқариш мақсадида “Ижтимоий шаҳарча”га айлантирилди. Шаҳарчанинг янги биноси уч қаватдан иборат бўлиб, боқувчисини йўқотган хотин-қизларга, ногиронлиги бўлган шахсларга, уй-жойга муҳтож оилаларга 124 та хонадон топширилди. Бу ерда “Golden prayd Xodjeyil”

ҳамда “Кегайли кун қурилиш” масъулияти чекланган жамиятлари томонидан 8 миллиард сўмлик қурилиш-таъмирлаш ва ободонлаштириш ишлари амалга оширилди.

Камбағалликдан чиқариш кластерини ташкил этишдан мақсад, биринчидан, эҳтиёжманд оилаларни уй-жой билан таъминлаш бўлса, иккинчидан, оила аъзоларини касб-хунарга ўргатиш, бандлигини таъминлаш орқали камбағалликдан чиқариш ҳисобланади.

Ў.А.

ЎЗБЕКИСТОН ВА ГЕРМАНИЯ ПРЕЗИДЕНТЛАРИ КЎП ҚИРРАЛИ ҲАМКОРЛИКНИ КЕНГАЙТИРИШ МАСАЛАЛАРИНИ МУҲОКАМА ҚИЛДИЛАР

Ўзбекистон Республикаси Президенти Шавкат Мирзиёев 14 март куни Германия Федератив Республикаси Президенти Франк-Вальтер Штайнмайер билан телефон орқали мулоқот қилди.

Ўзбекистон ва Германия ўртасидаги кўп қиррали муносабатларни янада мустаҳкамлаш ва ўзаро манфаатли ҳамкорликни кенгайтириш масалалари кўриб чиқилди.

Суҳбат аввалида давлат раҳбарлари икки мамлакат ўртасидаги дипломатик муносабатлар ўрнатилганининг 30 йиллиги муносабати билан бир-бирини табриклаб, самимий тилакларини билдирдилар.

Ушбу тарихий даврда икки томонлама алоқаларни ривожлантириш борасида биргаликда катта ишлар қилингани, ўзаро ишонч ва шериклик учун мустаҳкам пойдевор яратилгани катта мамнуният билан қайд этилди.

Этакчилар Ўзбекистон ва Германия ўртасидаги амалий ҳамкорлик ҳолати ва истиқболларини ҳам муҳокама қилдилар, турли даражаларда мунтазам сиёсий мулоқот ва фаол алоқаларни давом эттириш муҳим эканини таъкидладилар.

Германиянинг етакчи компания ва банклари билан савдо, инвестициялар, юқори технологиялар, саноат, қишлоқ хўжалиги ва бошқа соҳаларда қўшма кооперация лойиҳаларини илгари суришга алоҳида эътибор қаратилди.

Молиявий-техник кўмакни ҳамда маданий-гуманитар алмашинувларни, энг аввало, Ўзбекистонда немис тилини чуқурлаштирилган ўқитиш соҳасида кенгайтириш муҳимлиги қайд этилди.

Президентлар халқаро кун тартибининг долзарб масалалари, шу жумладан, Украина атрафида юзга келаётган вазият юзасидан фикр алмашдилар. Вазиятнинг янада кескин тус олишига йўл қўймаслик ва мोजарони тез фурсатда тартибга солиш учун сиёсий-дипломатик саъй-ҳаракатларни давом эттириш зарурлиги таъкидланди.

Телефон мулоқоти ҳар доимгидек ишонч руҳида ва дўстона муҳитда ўтди.

Ў.А.

“Янги Ўзбекистон” массивларида қурилиш жараёни қандай кетяпти?



Райҳона ХЎЖАЕВА, “O‘zbekiston bunyodkori” мухбири.

Бу саволга АОКАда “Бозор тамойилларига асосланган ипотека кредитлари орқали аҳолини уй-жой билан таъминлашга оид қўшимча чора-тадбирлар тўғрисида”ги ҳамда “Янги Ўзбекистон” массивларини қуриш ва ҳудудларнинг ижтимоий-иқтисодий ривожланишини таъминлаш чора-тадбирлари тўғрисида”ги Президент Фармонлари ижроси юзасидан ўтказилган матбуот анжуманида Қурилиш вазирлиги мутасаддилари батафсил маълумот беришди.

Хабарингиз бор, Президентимизнинг 2021 йил 9 декабрда қабул қилинган Фармонида кўра, 2022 йилда уй-жойлар қуриш бўйича бир қатор вазифалар белгилаб берилган. Хусусан, Фарғона вилоятининг Богдоқ туманида барпо этилган “Мурувват” массиви намунаси асосида барча ҳудудларда комплекс тарзида “Янги Ўзбекистон” массивларини қуриш суръатда бунёд этилаётган бўлса, бошқа ҳудудларда танланган ерлар ўз эгаларига топширилиб, қурилиш ишлари бошланиш арафасида.

Ў.А.



Энергиятежамкор қурилиш материаллари – келажак танлови

Райҳона ХЎЖАЕВА, “O‘zbekiston bunyodkori” мухбири.

Бу ҳақида АОКАда “Ўзбекистонда қурилиш материаллари” уюшмаси матбуот котиби Жамшид Шерметов энергиятежамкор қурилиш материалларидан фойдаланиш аҳамияти хусусида ўтказилган брифингга батафсил маълумот берди.

Таъкидланишича, давлатимиз раҳбарининг жорий йил 21 февраль куни қабул қилинган ПҚ-139-сонли “Уй-жой қурилишини ва қурилиш материаллари саноатини қўллаб-қувватлашнинг қўшимча чора-тадбирлари тўғрисида”ги қарорига кўра, бир қатор энергиятежамкор деворбоп қурилиш материалларидан кенг фойдаланиш

бўйича тавсиялар берилган. Унга кўра, минерал тўлдиргичли энгил бетонлар, энгил органик тўлдиргичли бетонлар, ғовакли энгил бетонлар, конструкцияли ва иссиқлик сақловчи бетонлар, ғовакли ва ичи бўш керамика ва бошқа турдаги композит буюмлардан фойдаланиш кўзда тутилган.

Ҳозирда юқорида келтирилган энергиятежамкор деворбоп қурилиш материалларининг деярли барчасини ишлаб чиқариш йўлга қўйилган. Маълумотларга кўра, мамлакатимизда 706 та темир-бетон корхоналари мавжуд бўлиб, уларнинг йиллик қуввати 6,05 млн куб метрни ташкил этади. Юқорида келтирилган барча темир-бетон корхоналари буюртмага кўра энгил, конструкцияли бетонларни ишлаб чиқара олади.

Ў.А.

